



Vogošća, ul. Jošanička, br. 80; tel: 00387 33 586 413, fax: 586 444

Broj: 03-11-1718/24
Vogošća, 05.11.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 05.11.2024. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REVIZIJE
GLAVNOG PROJEKTA SPORTSKOG IGRALIŠTA ORAHOV BRIJEG-HOTONJ**

Član 1.

Ponuda ponuđača "AK konsalting" d.o.o. Sarajevo, ulica Vogošćanskih odreda 44D Vogošća, odabrana je za pružanje usluge revizije Glavnog projekta sportskog igrališta Orahov Brijeg-Hotonj, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 700,00 KM bez uračunatog PDV-a.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 08.10.2024. godine donio Odluku o pokretanju Otvorenog postupka nabavke usluge revizije Glavnog projekta sportskog igrališta Orahov Brijeg-Hotonj, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 10.10.2024. godine pod brojem: 1353-1-2-225-3-159/24.

Sažetak Obavještenja o nabavci objavljen je u "Službenom glasniku BiH" broj: 71/24 od 18.10.2024. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača.

Krajnji rok za dostavu ponuda bio je 30.10.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 30.10.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-11-1718/24 iz oktobra 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Kohisa" d.o.o. Sarajevo i "Smajić-inženjering" d.o.o. Goražde	750,00	202,50 KM	547,50	/
2	"AK konsalting" d.o.o. Sarajevo	700,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača/grupe ponuđača:

- "Kohisa" d.o.o. Sarajevo i "Smajić-inženjering" d.o.o. Goražde i
- "AK konsalting" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računsa provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude grupe ponuđača "Kohisa" d.o.o. Sarajevo i "Smajić-inženjering" d.o.o. Goražde u iznosu od 547,50 KM sa ponuđenim popustom bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (700,00 KM) ponuđača "AK konsalting" d.o.o. Sarajevo, Komisija za javne nabavke postupajući u skladu sa članom 66. stav 2. Zakona o javnim nabavkama BiH ("Službeni glasnik BiH" broj 39/14, 59/22 i 50/24) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH" broj 90/14 i 20/15) je aktom broj: 03-11-1718/24 od 31.10.2024. godine zatražila pojašnjenje neprirodno niske cijene ponude grupe ponuđača "Kohisa" d.o.o. Sarajevo i "Smajić-inženjering" d.o.o. Goražde.

Vodeći partner grupe ponuđača "Kohisa" d.o.o. Sarajevo u ostavljenom razumnom roku od 3 dana od zaprimanja Zahtjeva za pojašnjenje neprirodno niske cijene ponude nije dostavio zahtjevano pojašnjenje neprirodno niske cijene ponude.

Na osnovu iznesenog, Komisija za javne nabavke je ocijenila Ponudu grupe ponuđača "Kohisa" d.o.o. Sarajevo i "Smajić-inženjering" d.o.o. Goražde **nepravilnom**, a sve u skladu sa članom 2. stav (1) tačka I), članom 66. i članom 68. stav 4. Zakona o javnim nabavkama BiH kao i članom 9.3.3. TD, jer je grupa ponuđača propustila da dostavi pismeno obrazloženje neprirodno niske cijene svoje ponude.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "AK konsalting" d.o.o. Sarajevo, za pružanje usluge revizije Glavnog projekta sportskog igrališta Orahov Brijeg-Hotonj, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 700,00 KM bez uračunatog PDV-a.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Kohisa" d.o.o. Sarajevo i
"Smajić-inženjering" d.o.o. Goražde
2. "AK konsalting" d.o.o. Sarajevo
3. Nadležnoj Službi
4. U dosije
5. a/a

kohisadoo.centrala@gmail.com
akk.bih@gmail.com